

30 اغسطس .. نشطاء يدشنون هشتاج "مفيش شغل" للدعوة لاضراب جزئي عن العمل



الأحد 24 أغسطس 2014 12:08 م

دشن نشطاء علي مواقع التواصل الاجتماعي هشتاج الكتروني تحت عنوان "مفيش شغل" للدعوة لاضراب جزئي عن العمل في 30 اغسطس الجاري احتجاجا علي غياب القصاص والعدل وانتشار الظلم وقرارات الإفقار ، مؤكداين أن فكرة الاضراب مناسبة للضغط علي الانقلاب العسكري علي المستوي البعيد خاصة واحد من أهم أسلحة الضعفاء في مواجهة الظلم]

وقال النشطاء في بيان يتدواله النشطاء تحت عنوان " شارك في الإضراب علشان يشوفوك": علي فكرة الإضراب مش غلاسه وخلص ، لأ ده واحد من أهم أسلحة الضعفاء في مواجهة الظلم ، لما يكون في كام ميت ألف واحد شافطين البلد في كرشهم وسايبينا ناكل في بعض يبقي لازم يشوفونا لازم يحسوا إننا لسه موجودين مش نمل مالوش لازمهم هم فعلا شايفينك نمله وشايفين ولادك نمل صغير .. علشان ما تحاولش ترفع راسك تاني وتخليك ديما جعان وتخلي ولادك يعيشوا في هم ويموتوا نمل ."

وأضافوا في البيان : "لما الغلا والجوع والمرض وقطع الكهرباء والميا بيهد فينا .. وهم مش شايفين الا نفسهم وقصورهم وشلتهم في القضا والجيش والشرطة ... رغم أننا الأصل .. إحنا اللي بنصحي من الفجر نتوكل بجيوب فاضية علي باب الله ونرجع مهدودين مش قادرين نقف علي رجلينا من الهم والتعب".

ودعا البيان الجماهير الي الاضراب عن العمل : " لما الكام ميت ألف اللي عندهم المصانع والمزارع والوظائف الكبيره .. عايشين في بحر من الفلوس والراحاة .. واحنا مكتوب علينا القرف .. يبقي لازم يسمعونا ويشوفونا .. حاول تخليهم يشوفونا ومش هيشوفونا إلا لما نوجههم .. الكل لازم يحس انه بني ادم مش نمله .. ويأخذ حقه المسروق .. 30 اغسطس .. اضراب عن العمل .. مفيش شغل".